

續修四庫全書



《續修四庫全書》編纂委員會編

續修四庫全書

上海古籍出版社

一五五七・集部・別集類

二知軒文存三十四卷（卷二十七至卷三十四）〔清〕方濬頤撰……………一

玉笙樓詩錄十二卷續錄一卷〔清〕沈壽榕撰……………一三一

壯懷堂詩初稿十卷〔清〕林直撰……………三四一

壯懷堂詩二集四卷壯懷堂詩三集十四卷〔清〕林直撰……………四二三

隨山館猥稟十卷續稟二卷隨山館叢稟四卷隨山館尺牘二卷（隨山館猥稟卷一

至續稟卷下）〔清〕汪琬撰……………五五七

二知軒文存卷二十七

定遠方濬頤子箴

有堂方伯家傳

吾族於順治八年由休甯遷居定遠西鄉之北爐橋而城中別有一支亦由休甯遷居在前至有堂方伯始顯於

朝方伯與先大夫爲昆弟行予生也晚不及見方伯得見方伯諸公子則已遷居金陵厥後癸丑之難方伯之六公子若夔以候補縣丞抗節死其孫曾輩流離轉徙江淮間若夔子書紳納貲爲縣丞需次白門予至廣陵書紳來謁因索得方

二知軒文存卷二十七

卷二十七

一

伯敬恕堂詩集蓋余少時所誦誦者亂後失之喜得再見珍若球璧書紳有詩才能世其家學少年明幹見重於上官同治甲戌予有袁江之役書紳偕弟書綬奉其大父宦蜀事畧示予因作傳曰方伯公諱積生於乾隆甲申年九月二十日越明年公之父峭崖公以選拔貢生入京師充景山官學教習卒於京邸公之祖西亭公聞凶耗慟甚公甫七齡能依依膝下博重聞歡就塾讀書天姿英邁過目成誦暇輒博覽羣籍公母陳太夫人每直雞鳴趣之起取書所讀書使各讀數十過請益不許曰愈讀愈精奚以多爲年十三補博

二知軒文存

卷二十七

二

士弟子員太夫人益令肆力於學曰通經將以致用汝父學成而不竟其用齋志以沒汝其承厥志乎公性純孝於是研究經史綜核古今得失求爲濟世之學兼工詩古文辭皆秉太夫人義方之訓也庚子西亭公棄養公以承重居喪哀毀盡禮癸卯服闋太夫人爲婚於陳氏卽太夫人之姪也已酉公以選拔貢生就職直隸州州判分發四川大府一見賞其才數令走邊徼緩輯番夷又從征黔楚苗匪有功奏擢縣令甲寅補閬中縣知縣時達州羣盜披猖蹂躪川東數郡縣其賊方熾梁山爲往來衝要之地嘉慶丙辰大府檄公往公乃相度形勢以備不虞梁山故有牛頭砦崖壁峻峭中唯一徑可通登其巔則林木蓊蒼四望坦然爰鳩工修治移倉穀備矢礮爲防守計時鄰水大竹墊江長壽酆都忠州六州縣之民悉東走避賊聞梁山有牛頭砦爭趨之一晝夜來者凡二十餘萬人翌日賊大至見諸砦鄉兵羅布嚴密賊不能攻而公以千餘兵破數萬狂寇三晝夜僅食黃瓜一握事平名由此著張船山太守詩云當時蜀犬正縱橫都怕梁山訓練兵蓋紀實也築砦之利若此雲陽萬縣亦仿而行之自是川東各州郡無不築砦矣越明年丁巳值總督威勤侯勒保公統

二知軒文存二

〔清〕方濬頤撰

據復旦大學圖書館藏清光緒四年刻本影印原書版框
高一九八毫米寬二五八毫米

師入蜀公以砦之足恃也上堅壁清野之議於是石壩山桃花坪石梯關諸戰公以所部鄉兵前導率獲全勝至望牛埡之役諸將兵同時並潰公以三百人被圍乃募二壯士腰紅旗越賊圍登蝦蟆石斬竹爲竿張旗誘敵疑爲援兵遂缺其北面公得全師以退遣兵赴分水嶺招潰卒復進薄賊再戰再捷轉敗爲勝公皆有詩論功擢西陽州直隸州知州遷甯遠府知府

賞戴花翎仍留住梁山辦賊條陳練兵修寨四事大府頒行各州縣以爲程式載入石香村居士所輯勸靖教匪編內數

二知軒文存

卷二十七

三

三

年之間遇大敵必身先士卒人咸爲公危而公獨毅然任之故威勤侯益倚重公飛章入告仰荷

天語褒嘉辛酉調夔州府知府是年聞祖母周太夫人訃以承重丁憂賊方走雲陽萬縣境夔州當東川一面大府以巨任屬公乞奔喪不許不得已墨經從戎壬戌擢建昌兵備道仍留攝夔州府事是年冬羣醜以次俘馘川境肅清癸亥三月奉

命剿馬邊猺夷擊降之七月之建昌道任復出塞治裏塘土司警殺之獄事竣乃得奉陳太夫人回籍爲周太夫人服喪

百日乙丑奉

命返蜀是年冬補川北兵備道丙寅調補清軍鹽茶道丁卯擢四川按察使赴重慶治長壽涪州會匪謀亂之獄戊辰五月馬邊前後營熟夷及竄邊十二地嶺夷勾結涼山生番同時擾邊境公奉

命督師以次攻克並剿滅曲曲烏生番涼山諸夷悉降已已擢四川布政使兩署四川總督蜀人咸呼爲青天云公以儒生而嫻軍旅所向克捷獲脅從者赦之招集流亡資之還鄉全活無算至於刑名之出入僚屬之舉措平反澄叙罔不允

二知軒文存

卷二十七

四

當性戒殺喜施予惡者華一門少長皆令衣布嘗戒諸公子曰吾家世寒儉爾曹勿忘本也蜀中五方雜處窮民多覓食省垣隆冬號寒於市公見之惻然捐廉俸於城之東北門外隙地葺屋宇百間俾令棲止人給棉衣歲以千計尤喜節孝事成都有孝女吳七姑者幼喪父守貞至老不嫁以養其母公爲旌其門時有賙卹其他有節孝者舉悉稱是曰吾欲因之以勵薄俗也甲戌十月二十九日以疾卒於官卒之日蜀人感沐恩德無不流涕者其明年士民請諸有司爲公建祠堂於東郭外歲時享祀勿替道光壬午年奉

旨入祀鄉賢名宦兩祠丙申若夔入蜀謁公祠公之豐功偉績猶嘖嘖人口稱道弗衰蜀父老聞公子來相與通殷勤欸接無虛日迨同治乙丑有自蜀來者述及祠宇間有傾圯蜀人旋即修治之嗚呼公流澤之長而去思之久於此可見已公子五人若麟雲南鹽提舉署楚雄府知府次爾騏候選布政司經歷次河清福建莆田場鹽大使次四知道光乙酉拔貢壬辰舉人大挑河南知縣次若夔附生江蘇候補縣丞別有傳孫七人曾孫五人

家衣江小傳

二知軒文存 卷二十七

五

族兄若夔字衣江行六爲方伯公季子幼侍其母陳太夫人由蜀南歸僑居金陵孝母恭兄天性醇厚束髮受書即耽吟詠心有所得輒自攄寫尤喜博覽載籍凡前人嘉言懿行足爲楷模者手錄一編積成巨帙焉年十九補博士弟子員遂專攻制舉業秋試十上皆報罷心厭之乃以書畫自娛動合古法所著詩詞名唾餘錄顧以諸兄相繼殂喪爲門戶計不得已屈就卑官白門聽鼓非兄本志也平素重氣節廣交游其最稱莫逆者爲湯雨生都督韓介孫馬鶴船家慎之三先生皆江東名士猶憶道光庚戌子將爲嶺南之游先至秦淮

度夏時郵政街邸第所謂抗希堂者本望溪侍郎故居後歸兄家園林池沼擅一時之勝予屢過之至是以家中落爲他人所有兄則傲居於珠寶廊相見握手撫今思昔爲之慨然而兄固豪邁了不介意拉予飲於妙相庵復至隨園流觴竟日賦詩紀事別後三稔而粵寇難作金陵不守時予尚在里門兵戈間阻音問隔絕久之聞人言兄捐軀抗節苦不得確耗及來揚州晤兄子書紳乃得兄死事情狀先是湘漁大兄之子宇正生子鞏甫周歲宇正病沒妻趙氏青年矢志撫孤湘漁兄旋卒於京師鞏甫成童兄念其孤露無依推友予之

二知軒文存 卷二十七

六

愛於公產外析己所自置之田予之戒書紳曰吾善待汝姪汝無違汝弟幼稚將來設悔而斂之唯汝是責慎勿負我初心也且慷慨好施凡友朋稱貸者求無不應癸丑春寇氛逼近金陵奉大府檄辦籌防局事兄知事不可爲命書紳奉母攜弟妹避兵江北出借券一一指示曰某爲予之至交某爲予之至戚故當日有無相通數幾及萬今已矣爾曹學做好人自有生路若留券爲索欠計是使爾曹開爭競之端也是使爾曹遂忘先人舊好也儻來物何足掛懷其悉焚之便書紳請兄同行兄喟然曰始吾筮仕也將欲圖利祿乎今吾出

走也抑欲保性命乎吾奉檄籌防義不可去死生有命吾其聽之爾曹好自爲之母以我爲念也家人環泣莫知所爲兄力趣之行乃眷屬抵通州未及旬日而城陷僕營元倉皇從賊中遁至通州言主人於二月十一日在所居蓮花橋後圃遇害事聞

贈鑾儀經歷銜世襲雲騎尉襲次完時恩騎尉世襲罔替入祀昭忠祠兄配周孺人先卒側室喻氏生子書紳金氏生女一宗氏生子書綬邑附生書紳又言金氏庶母獨留侍府君府君抗節時庶母仰藥以殉遇救不死得免於難與吾母吾

二知軒文存 卷二十七

七

弟之母相依爲命金氏母獨善持家迄今三母同居雍睦無間言予聞而趨之附誌於此嗚呼若兄之析產焚券能爲人所難爲重以見危授命大節凜然洵足爲吾宗光而媿彼紛紛喪師辱國蜺顏從賊者已

三弟子健家傳

嗚呼吾弟攝篆曲阿沒於王事距今已十有六稔矣迴憶道光己亥庚子予與弟偕居京師者二年丙午弟復至京師相聚數月迨庚戌之秋予將度嶺道吳中弟留予住寶蘇局風雨聯牀者又而月弟送予至松陵驛舟中依依話別賦詩紀

事孰意從此遂不相見竟成永訣耶嗚呼痛何如也茲者予於肥上建曾王父榮祿公家廟弟得耐祀且將重修族譜爰撮舉事狀爲之傳曰弟名濬泰字子健號東岩嘉慶丙子六月十四日生曾祖諱煥妣陳氏祖諱玉達妣宣氏徐氏兩代皆封榮祿大夫妣皆一品夫人父諱鍾彥封中憲大夫妣林氏封恭人中憲公爲予之仲父弟同胞三人伯濬履季濬恒濬履爲予之弟故弟行三弟五歲時仲母林太恭人教識字穎慧異常兒六歲入塾讀書一日予與弟自塾中歸省大父指盆中菊命予二人對予曰嶺上梅弟則曰瓦上松大父皆

二知軒文存 卷二十七

八

領之旣而曰松固有貞操但不宜於瓦上耳言次色爲不懌予聞之凜然垂老弗忘斯語也年十三學爲制藝詩賦斐然可觀仲父以其齒稚不許應試至十八歲始出應縣試輒冠一軍十九歲補博士弟子員先大夫於諸子姪中獨愛弟謂將來必能光大門閭遂商之仲父命偕予北上應京兆試計自乙未迄丙午南北秋闈凡七試皆報罷不得已援例爲府經歷弟之初願願若是耶已酉需次吳中直大水奉檄踏勘蘇松一帶災區請賑許之委辦崑新等邑賑務栖止水中者月餘核實鉤稽胥吏不敢浮冒終其事全活無算江南漕賦

甲天下縣令初之任必舉吏以充漕總非黠猾者弗能辦也而官有匱乏挪移悉取資於吏一旦開徵權在吏手挾制欺蒙弊端百出勢不至於虧空不止及至敗露又復行賄營脫比比皆然絕無顧忌某縣令交代虧空過巨太守檄弟往拘漕總密偵其人潛匿省垣卽捕以獻太守喜曰非子之廉烏能罪人斯得耶由是大府皆知其才咸豐辛亥權常熟縣事壬子復權昭文縣事所至興教化弭盜賊懲健訟贍孤貧罔不區畫盡善爲持八計不存五日京兆之心常昭故同城去昭文日兩邑之民焚香拜送於道左者蓋三十里云癸丑仲

二知軒文存

卷二十七

九

秋賊陷上海賊酋劉麗川潘小鏡踞城中川沙南匯青浦嘉定寶山五廳縣同時應之吳中大震江蘇巡撫吉爾杭阿公奉

天子命督師剿賊檄弟總理軍儲支應弟固辭請以某代大帥俯如所請仍命弟司營務兼筦支應在營十有八月任勞任怨我軍逼賊壘賊已不支會除夕有川勇與外洋人構釁外洋人遂通賊喉之夜犯我軍諸營弁倉卒遁走弟獨侍大帥集兵固守召外洋人折之以理賊聞風而竄事平叙功晉秩六品

賞戴藍翎丙辰補松江府經歷經歷本閒曹弟則留心民事有關利害者悉以陳諸長官松屬丁漕尤重歷任縣令交代轆轤不清弟立爲之了結十餘案故薛君煥袁君芳瑛兩太守先後咸倚重之無何粵賊陷金陵吾邑逼近賊氛土匪蠭起仲父家居團練保衛者凡四年至丙辰冬率眷屬數十人渡江就養於松丁已捻匪張落刑遂破我爐橋鎮一時族郇被難遠來相依者絡繹不絕於道弟竭力拮据多方稱貸俾各得其所戊午冬權丹陽縣事下車之始訪民間疾苦及事之利弊書置案頭思以次第行之本年上下忙糧課前任已

二知軒文存

卷二十七

十

全徵解冬漕難以議減弟巡視阡陌知爲歉歲戶鮮蓋藏因請於大府減緩冬漕再請再駁毅然爭之益力大府卒從之民以無苦丹陽居運河之衝歲出庫帑修治自漕歸海運工費久停河日以淤行旅農田交病之弟倡捐廉俸勾工浚河親督畚揭故已未夏秋雖大旱不爲災兼葺書院籌膏火廣賓興之費是科鄉試登賢書者五人其他除巨盜釐積案諸德政不可勝紀閭閻受福頌聲翕然庚申二月賊酋李受成擾杭州大帥調兵往援昏夜大雨抵丹陽百姓惶恐弟冒雨而出曉諭居民軍得宿食行不愆期三月金陵大營兵潰賊

陷句容溧陽旋攻金壇弟先期召募鄉兵爲守禦計賊至見有備乃退閏三月大帥招潰卒駐軍丹陽索芻茭驅丁役譁噪不已弟部署周至罕以累民未幾賊以數十萬眾來犯總統張忠武公率師鏖戰墜馬傷臂臥病城中相持不下二十八日午後賊復廣集忠武力疾據鞍語弟曰君所募勇多敢死士當爲吾一臂之助弟遂登陣誓眾眾皆感泣乃城外諸營紛紛鳥獸散賊薄城下天甫黎明至辰巳之交賊益更迭環攻城中火藥盡猶以壘石下拋斃賊不少忠武出城卽爲賊所戕逃兵數百入西門賊亦踵至而城中之兵則由東門

二知軒文存

卷二十七

三

出走弟率鄉兵數百人巷戰折傷大半賊圍數重奮臂一呼賊皆辟易卒以勢窮力竭遇害得年四十有五時則閏三月二十九日也幕賓程光懷陳澍僕陳升余福桂升及僕婦王陳氏皆死之兩淮運使喬公松年以事上

聞贈鑾儀衛經歷予雲騎尉世職襲次完時恩騎尉世襲罔替嗣經署總督肅毅伯李公鴻章署巡撫郭公栢蔭據丹陽紳民呈請於死事地方建立專祠專疏入告得

旨俞允弟配孫宜人後弟卒生子二臻朗臻毅妾王氏守節撫孤生子臻騫孫男六人燕序燕桂燕昌燕樂燕林燕榮鳴

呼吾弟性情伉爽與人交推心置腹失之太厚所求無不應者子祥二弟與予同庚生弟則僅小子一歲予三人者少時同塾讀書友于最篤忽忽數十年間吾父吾母相繼見背近則吾仲父仲母亦不幸棄養予與子祥並頽然成老翁已每念吾弟以身殉國未竟所施輒復悲從中來於邑累日吾烏能已於言哉姪臻毅告予曰當城未陷時長兄臻朗需次浙江吾母及庶母挈三弟臻騫侍大父大母寓松郡獨臻毅在左右吾父已有死志揮令臻毅速去代奉重闈移孝作忠臻毅不敢留也嗟嗟聞臻毅之言益增予痛而弟之追隨忠武

二知軒文存

卷二十七

三

捐軀抗節實足以光家乘而詔我後人也

周孝婦傳

孝婦姓汪氏淮上舊族其父文成質諒有勇力與周孝廉贈朝議大夫世鈺比屋而居交莫逆孝婦爲女時性溫淑喜讀書孝廉至文成家偶見之謂有大家風範遂爲其子訂婚焉年十七歸贈朝議大夫嘉益事翁姑以孝聞周氏貧無負郭田孝廉以嘉慶庚午舉於鄉公車三上皆稱貸而出子嘉益則筆耕以償所負家計彌拮据而甘旨之奉復賴孝婦以鍼黹覓蠅頭利佐之道光丙戌孝廉卒有疾醫云不治孝婦焚

香告天刳臂肉置藥鑊中手奉以進疾頓瘳是秋嘉益亦病
孝婦復刳肉療之又數年孝廉之妻趙恭人病瘍久不瘡孝
婦以夫赴浙中獨侍疾憂益甚乃復於昏夜潛刳肉納藥中
於是臂上創累然而三矣旁觀卒未聞呻吟聲創痕且速合
時爲之語曰庸醫視病但首鼠周家孝婦三刳股趙恭人素
勤儉而性嚴毅孝婦竭力侍奉幼患痘殘其右臂且體弱多
病趙恭人謂貧家須健婦持門戶今久病奈何其外母陳孺
人夙愛孝婦爲延醫治之得瘥有微以姑語告孝婦者曰死
生命也姑言吾敢對乎聞者太息去無何嘉益以場屋事論

二知軒文存

卷二十七

三

成浙江將就道謂孝婦曰吾以老母累子矣孝婦泣而言曰
君毋慮養母教子當力任之君遠行宜善自愛是時趙恭人
春秋高矣孝婦生一女四子均幼稚所居屋十數楹僅庇風
雨錢數百緡權其息以資薪水孝婦念千鈞之任荷於一肩
稍不節何以免吾夫內顧憂乃稱食而衣數米而炊然堂上
之供則逾修潔孝婦前刳股療姑姑後知之遂善視婦至是
孝婦病姑亦禱於神曰子遠行婦事我無異於子惟神佑之
說者謂積誠所感固如是耶又數歲趙恭人卒孝婦匍匐營
葬事嘉益在浙聞赴慟不欲生竟以毀卒孝婦以家運方否

力行善事且戒殺病益甚有勸肉食者力卻之朝夕諷梵夾
屢感異兆著雲龕紀夢錄平日敬老卹貧急人之難教諸子
以先正格言忠孝大義諸子皆成立入仕有聲日新春暄官
縣今日嚴官巡檢日襄則以從九品殉廬州之難卹雲騎尉
世職孝婦以子貴封恭人全椒教諭陳伊鼎與春暄同官知
孝婦爲翁姑及夫病刳股事上其狀於安徽學使景公其濬
學使之封翁故與孝廉爲同年生亦素稔婦之孝行因白諸
安徽巡撫英翰公偕兩江總督曾文正公入告

下禮部旌表如例孝婦年七十有二同治十一年九月二十

二知軒文存

卷二十七

四

一日病革夢有人持紅牋來迓書接引字醒而告家人曰吾
將逝矣二十四日遂卒春暄時官吾皖倩其友持狀來示予
予唯孝婦貧家女乃能讀書明大義孝敬尊章刳臂療疾並
及其夫一而再再而三人情所萬不能堪者而孝婦則毀厥
支體成此奇行宜乎疆臣入告名動

兩宮旣食報於生前復榮施於子姓部臣曰其事雖愚其情
可閔嗚呼其愚固不可及也若孝婦者足以爲天下風子故
樂爲之傳云

吳烈婦傳

烈婦姓徐氏河南鹿邑縣人候選同知鴻翮之女幼失所恃事父與繼母以孝聞同治七年適固始今江蘇巡撫吳公之長子戶部主事琳時祖姑在堂婦愉聲怡色得重閨歡事舅姑一如其事父母克盡婦道於諸姑姊姒雍睦無間言家庭內外咸以賢淑稱之戶部幼聰慧能世其家學年十七補博士弟子員益下帷攻苦寒暑罔間兩應京兆試輒報罷遂援例入農曹長官皆才之無何以劬學得咯血疾巡撫公方以翰林學士擢湖南布政使召戶部來湘中仍力疾讀書矻矻不少休同治十一年夏戶部病日篤婦侍夫疾衣不解帶者

二知軒文存

卷二十七

五

數月每夕禱天乞以身代延至十一月二十七日病竟不起婦一慟而絕久始甦遂不食其姑強之食乃日進醢半甌嗣一再飲醢皆救而得生朝夕趨侍祖姑舅姑所定省如平時婦先生一子旋殤戶部卒之次年三月請於舅姑曰夫無子誰爲視窀穸婦願扶夫柩歸葬舅姑憐而許之登舟後痛絕復蘇家人送行者勸慰之答曰吾迢迢數千里奔馳而歸吾以盡吾志耳儻不復見舅姑吾死且不瞑目也從行者莫識其意迨舍舟登陸行至楚豫分界之虎頭關知離鄉不遠卽減飲食爲必死計形銷骨立神色弗爲之變四月初八日抵

家乃曰夫柩已歸吾願畢矣由是水漿不入口親族婦女環集多方開導之百折不回其父來視毅然以殉夫對絕粒十有一日彌留之際告家人曰前此不死於湖南者懼傷舅姑祖姑心也故濡忍至今夫柩葬有日矣得以相從於地下庶幾心安而理順也聞者莫不哀之卒於同治十二年四月十九日年甫二十有七湖南巡撫王公文韶以其事聞於朝得旌如例吳氏爲中州右族巡撫公之伯兄吉齋先生爲濬頤姑丈戶部之羣從則皆濬頤之中表弟兄也去冬姑丈挈幼文松友兩表弟過邗上談烈婦殉夫事甚悉今年二月

二知軒文存

卷二十七

六

濬頤往吳門謁巡撫公復示以王侍郎疏屬爲作傳濬頤竊思烈婦之奇節苦行實爲人所難能當夫死之日已判一死而不忍使祖姑舅姑見之乃遠巡就道歸里之後始以身殉夫踐同穴之盟嗚呼其用心抑何委曲周至若是耶旣孝且烈方之斷髮截耳殆有過焉斯固可以不朽已

包烈婦傳

天下之不畏一死以全名節者在忠臣義士視死如歸固已難之矧其爲婦人女子哉婦人女子而出於貧賤者之家非有父母之教詩禮之訓而貞介自守不爲利誘剛斷勇決過

於丈夫則尤難已朱生銘盤告予曰烈婦某佚其姓丹徒人適包氏子其姑在堂夫無行好狹斜游遂亡去粵寇之亂婦奉姑奔泰興貧不能供菽水傭以爲養會其女妹繼至家甚裕逐婦之姑同居有張十一者豔婦色傭而厚其貲屢挑不從因而謠詠之姑與女妹俱信其言疑婦無以自明遂溺水死取其尸突之貌如生衣裳皆紉方子曰烈哉包婦以貧不得旌予懼其久而湮沒也爲著於篇以告采風者

泰興三高士傳

一鄉一邑之間抱奇負異才力過人者顧窮而在下終其身

二知軒文存

卷二十七

七

不聞於世如朱生銘盤所述泰興三高士有足多焉曰何萱字石閭善治經通訓詁聲韻之學著紅露館文集三十卷韻史百卷性節儉冬一裘夏一葛中夜危坐著書沈思渺慮口角流涎則盡血也家人自窗外窺之有紅光如火滿室當時名宿如李申耆龔定菴皆與之友曰陳潮字東之通經工小篆當時謂其質樸古雅上埒陽冰又擅周髀之學夜登高臺仰窺星象達旦不寐酒酣耳熱慷慨談天下事十中八九游京師輦下諸巨公咸引重之年才三十九卒於客邸與龔定菴友善人目爲陳龔云曰潘人麟字散木少恃才放佚鄉里

怪之長好詞章所爲駢體文瑰麗無匹善縫弋故實典雅淵博有敏之者輒娓娓答不休

國朝朱竹垞毛西河所著詩文皆能摘其使事之譌舛蓋百無一完者晚益窮困縱酒嗜博放浪規矩之外一日忽治具集朋儕涕泣爲別眾詫之答曰世上鬱鬱吾將從河伯逝也翌日投揚子江死舊史氏曰石閭散木之詩文東之之小篆吾皆不得見而第聞朱生道其人且屢屢言之朱生年少嚮學工詩文善篆隸亦近今之佼佼者茲所稱說殆不虛也竊願其努力前修和聲鳴盛而勿與三高士相伯仲也

二知軒文存

卷二十七

六

徐剛毅公傳

咸豐四年濬頤家居時金陵爲粵寇所踞吾鄉土匪蠭起道塗梗塞先叔父鐵君公率濬頤上書於袁端敏公端敏檄剛毅督師至北爐橋剿賊自五月至七月燬陸家橋孫家集姜家岡廟岡集蘆塘寺王家岡杜家岡郭家莊土山岡賊穴無算又有朱家岡馬家岡之捷而俞家圩賊相持最久則合圍以斷外援掘地以洩濠水復用火箭焚其積儲所謂僞帥主軍師上將之屬皆殲焉濬頤與剛毅公數相見深服其勇敢明決有大將才乃未幾移師臨淮自是遂不通問迨同治三

年公以汀漳龍兵備道捐軀殉節潯頤遠在嶺南又不獲一伸哀挽之私而公之大有造於桑梓固至今永矢弗諼也謹據喬公松年所撰行狀而爲之傳曰公姓徐氏諱旭字曉峯以字行又字雲溪先世居崑山元季遷泰州後分縣隸東臺爲東臺縣人曾祖幹祖同初父介賢三世皆贈資政大夫如公官母皆夫人其十世祖燭燭弟耀爲明都察院左副都御史以直諫稱祀鄉賢族裔守其教公父贈公年四十始娶于太夫人初無子子兄子肇源晚乃生公公生有異稟方嬉戲則部勒羣兒如軍陣然見事敢爲無所怖贈公衰病太夫人

二知軒文存

卷二十七

九

教公嚴篝燈課讀倦寐必涕而命杖既長撫其癢輒鳴咽公年十五太夫人沒十六贈公沒煢煢無所依顧獨嗜學從兄鏞嘗以元日見公方讀書心重之延歸課其子居無何謝去雨雪閉逆旅十日讀杜詩有所悟從此思如泉湧屬文立就遂遊通州登狼山賦詩州之知名士爭相結遊耕茶耕茶王母今

貽封太夫人者決公當貴以女妻公贅焉數年生一子一女公有抱負居常鬱鬱欲一遊京師王太夫人爲辦裝附番舶泛海將近高麗病垂死既至春明僦僧寺以岐黃丹青餉其

口有贈公三百金者俾居積食其贏不責償也既乃爲掌者簋去公售物質衣足之以還贈者曰僕不嫻此毋徒負公也都人以此重之時湯文端公方在告聘主敦仁堂事敦仁堂者京師施振窮乏諸善舉歲出入鉅萬初公遊既困歲除獨步出彰義門見厝棺累積皆南人不得歸骨者因自傷私祝曰曉峯卽有力當盡瘞此既主堂事如其言咸豐初考取供事官直

上諭處公無徵逐交獨與朱主事麟祺袁編修保恆友善知天下且多事相勵爲有用之學公尤究心孫吳從異人受刀

二知軒文存

卷二十七

三

技甚精三年工部侍郎呂文節公奉命辦理團練督剿捻匪求得文武材與俱公從之時民團未集軍府草創賊數千踞蒙城文節與公步卒二百令往攻公晝張旗林田中夜卷甲進聲言大軍且至賊棄城走追一日夜乃返蒙城復以功給六品頂戴袁端敏公以兵科給事中莅皖軍檄公充統帶官漢回搆疊煽願上公捕殺馬文俊史善孜等願上平九月賊有鄧大王者合五十八捻抗官軍戰於高公廟大創恚復糾三十五捻捻百人方夜瀝血會飲於標里鋪掩擊覆之十月剿雉河集一戰八里莊再戰臨湖集

又戰馬家柳林奉

旨以縣丞留安徽補用賞戴藍翎十二月剿蒙亳誘擒劉宏烈武大僧潰其眾縛而磔之大僧者偽四大天王之一既就戮民間相慶又戰楊家塘鐵李營凡八捷四年正月再剿雉河薄壘壘空搜伏至成福寺與遇力戰擠之渦上暮收兵遲明裹瘡督戰益厲賊崩潰進次蒙城遂攝縣事撫傷殘輯流亡人感其德時羣捻方熄粵賊踞高唐金陵賊分股北援三月公從端敏公追及於蕭縣之郝家集賊渡黃牛渡擊之截其半南走犯潁州駐回溜集遏沙河賊下竄正陽捻賊乘機

二知軒文存

卷二十七

三

復起臨湖集者捻之分窟與雉河義門爲犄角前距湖中通一道公伏火器道側輕兵繞湖譟之賊不敢前出二千入陣集後乘風縱擊公佯遁抄上風敗之義門賊護巢不出端敏誘致之公邀擊於馬家樓賊陳袤十里火器接更擊更伏相持久公麾軍蛇行擊且進賊中卻爲偃月勢分軍角之奔斃偽順天王張捷三殲其黨千五百人三集皆平奉

旨以知縣補用加知州銜俞家圩之役復奉

旨賞換花翎金陵賊跳滁和間圖北竄端敏檄公南顧駐烏衣鎮賊五寨溝隧環絡公微服探其徑會諸軍於烏江爲右

翼居先因西北風揚沙以進道項王廟道隘填以扉賊遡風出抗火器輒自焚益縱火突烟擣其寨賊亂奪津擠入江覆舟死者甚眾偽天官丞相秦日昌連舸來救師又燬奉旨以直隸州知州補用五年隸提督向忠武公營石碛橋會水軍攻四五六壩皆拔進營香泉香泉去賊適廬鳳道張光第檄公援全椒公以兵單不能分顧辭不聽乃抽隊之大牛馳抵全椒圍解賊果乘虛急攻營馳回營已不守竟坐擅離營有

二知軒文存

卷二十七

三

旨視職六年安徽巡撫福濟公江南提督和春公以公剿捻賊有聲檄回守宿州懷遠救潁上賊攻皆不下以完三城功奉

旨服原官六月端敏再出視師檄公守潁州賊去留督潁州民團公以偏師出入江皖豫三省二百餘戰皆先士卒冒險阻爲諸將倡頗用權數動合古兵法未嘗大衄端敏尤倚賴之嘗單騎野行遇伏矛及左腋傷頤又刺著鞍不得拔乃免礮洞馬腹馬倒傷頸背易馬復戰掠陣鎗中冠頂與客坐語帳中客舉手飛礮墮其挽公卒不動是年始卸統帶事充營務翼長竭心贊方畧諸將莫能與後河南巡撫英桂公都統

勝保公並奏公掌營務皆未久卒從端敏相終始七年三月隨剿宋毫宋毫間有圩十二營錯之語聲相聞戰三旬王圩拔奉

旨以知府歸候補班用旋拔鄧圩姚圩及小圩九宋毫平時都統督皖軍端敏副之八年春合軍圍六安公駐八里垛爲後應四月賊渠張落刑翼得謝悉眾突圍出大軍失利賊夾溲水陸並下公收殘卒成三營設伏葦間伺賊賊列燧星馳伏起三營共賊之賊轉潰公聯復西渡逐北至菱角觜始與兩帥會奉

二知軒文存

卷二十七

三

旨軍機處記名以道員簡放旋剿宿州賊陸連科有陳圩年圩洪溝邵溝草溝之捷九年正月奉

旨加鹽運使銜落刑既踞鳳陽府縣張元澂踞臨淮跨淮連柵嶋負甚雄公創大艦人隱購艘中奪關大捷臨淮復元澂奔鳳陽十年正月進圍鳳陽元澂乞降然猶豫公爲總兵張得勝書招之詣帳口對狀至數而戮之民爭齎割食之盡鳳陽縣復落刑亦棄府城走奉

旨以各省道員簡放加按察使銜初落刑起甚微公從端敏戰降之役部下端敏中去乃復肆卒爲劇寇苗沛霖用圩練

起積官川北道與攻鳳陽驕桀萌異志公恆以大義責之故沛霖尤忌公會金陵圍潰常蘇相繼陷捻躡青阜天六賊集艘於湖北門戶洞闢人心岌岌端敏慮捻粵勢合更大壞奏公回籍督襄下河十六縣團防事公受

命馳傳築圩山清高寶間城恃以固叛將薛成良踞湖窺泰州公手書致款曲陰趣水師總兵黃開榜擣平之湖防肅遂舉江防時江南皆賊地北人無敢渡者公以南港少於北易拒且毋令賊出江奪天險也親履江陰武陽相度下木石留髮之民感激願爲暗團撫盜艘八哨隸水軍爲游奕水軍六

二知軒文存

卷二十七

三

總兵得以列汛駐江上造長龍跨海船築長堤起江都迤東訖通州令民團勢相接賊終不能北渡江北州縣獲力田服賈歲供軍食公剏始之力爲多自公出居京師五年轉戰四年筭營務又四年中間一至家僅留三日至是方里居倡修耕茶嵇公隄葺海安宗祠鄉賢祠設敦誼堂贍貧族故舊皆厚遇之巡屬邑有司供張悉却之手治官書恆徹夜不寐事苟關利病雖非所職必寓書當道反覆指陳爲民請命鄉人咸悅服之十一月

簡授福建汀漳龍兵備道端敏奏留公督淮南鹽釐鹽課事